

125. 125

739

112



沙市志畧

上

沙市志畧

沙市志略目錄

鄭序

自序

徵引書目

沙市略圖

卷一

沿革第一

山水第二

物產第三

古蹟第四

建置第五

卷二

寺觀第六

人物第七

塚墓第八

時俗第九

遺聞第十

自跋

鄭跋

沙市志略序

沙市古矣東漢六朝之際或名津鄉或名沙頭而罕見事實唐宋以來遂爲巨鎮其見諸史冊記載詩人詠歌者不可殫舉特其山川勝蹟風土人情僅附載於郡志邑乘向無專書備紀其名勝殊爲攷古一大憾事此湘齡王先生沙市志略所由紀也先生世爲沙市人累代業儒術性嗜古中年始受知於南皮張文襄公秋闈屢不售五旬卽絕意進取卜居於市之東偏自命甚高期以著作名千古其作是書也蓋仿孔伯靡氏江陵志餘體例博探經史冥搜芻籍越五載而葺焉分沿革山水物產古跡建置寺觀人物冢墓時俗遺聞十門詳文獻略政治都爲上下二卷書成置案頭時或刪訂有見聞輒補錄焉蓋生平心血悉萃是

鄭序

二

書云德耆讀之窃因而有感矣夫文人搦管榮世傳世殊途著述名家大年小年異趣嘗見騷人韻事咳唾珠璣亦復獵取宏名於一時迨至代異時遷或致譏覆甕貽誚於人者往往而有又見夫下帷閉戶著作等身而遭逢不偶或散佚於刀兵或飄零於水火以致心肝嘔盡沒世無稱古今來修士名儒不知沉埋幾許先生抱大雅宏達之才抗志千古不屑與文人榮世者爲伍觀其志塚墓志人物以及序跋語皆汲汲於身後之名中懷悽愴時復溢於言表蓋所處前清時代言論束縛士子立說箸書輒以買禍故著作皆以及身得名爲戒嘗聞先生於丙申歲手是編獻之於前荆南觀察使余公肇康時學校肇興方延文士修鄉土志見是書深器其爲人并予訂爲小學課本卒以忌者所傾未果

於行先生深自韜晦不數歲鬱鬱賚恨以卒使假先生以年俾於文字
禁弛之時秉陽秋筆申月旦評詎不足卓然表見於一時不謂迎合方
來而先生之墓木拱矣惜哉泊夫滄桑世變戎馬倉皇哲嗣輩藏手澤
不致散佚飄零俾先生是書得傳於世而享大年以償先生之夙願意
者九泉之靈默爲呵護歟今年夏其次嗣君傳錯將梓沙市志略乞序
於耆耆不文何足闡揚潛德第念先生與耆爲世交兼蘇程之戚弗獲
辭因發作書之旨并諸簡端且悲其豐於文而嗇於遇也以諗世之能
闡揚先生者時壬子夏五里後學鄭德耆子俊氏頓首謹序

自序

沙市一塵之區郡邑志已備載似無庸別志且地處一隅亦例不得以志稱然沐國家數百年久道化成寸地尺天皆具熙皞之象矧推爲重鎮已近千年陵谷有變遷而名稱不稍置吾輩居今稽古讀統志而知其體之合則綱舉目張讀省志郡邑志而嘆其書之分爲支流餘裔至如名山大川古刹之屬皆有誌記留傳繁盛如沙市悠久如沙市烏可不志以貽數典羞爰於課徒暇仿國朝陳宏緒江域名蹟及元陸友仁吳中舊事例爲之志其略雖一知半解不免貽笑方家而片語單詞皆經考覈謀始於光緒庚辰仲春脫稿於甲申夏五中間徵文考獻僅得略訂十卷而露纂雪鈔手腕幾脫矣尙希大雅君子恕其負性遲鈍又

自序

四

生當晚近不敢侈云造車而合轍也倘得拾遺補缺不啻百朋之錫矣

里人王百川湘舲甫撰

凡例

按地里方域似當準之志乘所圖然志略非爲劃分畛域起見則凡羣書所列顏以沙市不與志圖一概者亦蒐羅之而不泥

祠祀所關應以載入祀典者書之而名勝所在不妨備列至旅客所建會館園林亦援前府志例附書

鄉先輩爲里中所矜式者傳之一二以誌嚮往

詩文入誌必於地志攸關且宜仿蓋棺論定例地處衝要風氣各殊轉移變化存乎其人

簿書錢穀非書生所任概與從略欲核其實自有志乘且僕之志略譚文譚獻希步池北偶譚閩小紀後塵

凡例

五

遺聞瑣事必取其有關勸懲者則專以吳中舊事爲左券云

徵引書目

大清一統志 楚寶（明周聖楷撰鄧顯鶴補輯） 明一統志 荆
變紀略（孔自來撰） 寰宇記 閱歷世變記（無名氏撰）湖廣
通志（康熙中總督邁柱修） 明季南北略（計東輯） 湖北通
志（乾隆中總督畢沅修） 明季稗史 荊州志（明遼藩修原存
天一閣） 見聞錄（徐岳撰） 荊州府志（康熙中胡在恪修）
函山山人筆（孔自來撰） 荊州府志（乾隆中施廷樞修）
沙市竹枝詞（石首王啓茂箸） 江陵志餘（康熙中孔自來撰）
沙市竹枝詞（公安陳士壘箸） 江陵縣志（乾隆中黃義尊修）
沙市名勝紀略（里人陸彬然撰） 荊州記（盛宏之箸）

徵引書目

六

使楚叢譚（王昶撰） 荆楚歲時記（宗懔箸） 余氏家傳（余
芳編） 朝野僉載（張鷟撰） 先輩遺風（王海粟輯） 廣輿
記（宋歐陽忞箸） 書窗筆記（王海粟撰） 廣皇輿考（羽張
天復纂） 補閑邪錄（余芬續姚然錄） 湖北詩佩（張旋均輯）
吳中舊事（元陸友仁著） 湖北詩錄（高士廉輯） 江城
名蹟（陳宏緒撰） 湖海詩傳（王昶編輯） 東華錄載（唐張
鷟著） 大隄紀成詩集（康熙中劉嘯編） 官書（趙申喬著義）
祭溺文（王太守撰名承綸） 金樓子（梁湘東王箸） 全
唐詩 顏氏家訓（齊顏之推著） 吳氏宋金元詩鈔 貴耳集（
宋張端義著） 浦氏明詩錄 丹鉛錄（明楊慎著） 鐵圍山叢

談（宋蔡條撰） 池北偶談（王士禛著） 東華錄 張文忠公
集 鐵網珊瑚集（朱性甫撰） 別山遺集（張同敞撰） 閩小
紀（周亮工撰） 賀文忠公集 山水秘訣（朱雲蒸著） 袁中
郎集（袁宏道著） 鏡畫（朱雲蒸著） 白蘇齋集（袁宗道著）
（ 畫徵錄（秀水張庚著） 以齋詩選（孔自來撰） 天王寺
志（水鑑著） 庭訓略（徐曉著） 懶園全集（華容嚴首昇著）
三節實錄（朱光祚輯） 真懶園集（胡在恪著） 碧社春吟
（牆見羹編） 謀笑軒詩集（李世恪著） 山翁詩集（王釀著）
（ 挿天巢集（宋學洙著） 石泉稿（王國洽著） 知足園集
（李德榮輯） 草堂藏稿（李葆元著） 質堂集（鄧以瑒著）


徵引書目

七

三湖漁人集（劉士璋撰） 小隱園集（劉廷璋撰） 橐筆閒
吟（鄧士璣著） 白鶴亭詩鈔（蒙古白衣保著） 十三遷草堂
集（陳緒達著） 款花居全集（程炆著） 陳琴溪詩鈔（陳覺
著） 情田詩鈔（余芳著） 念顛閣集（林其晶撰） 羅素臯
集（羅世法撰） 自怡前後集（李玠之撰） 雷宦圃詩鈔（雷
昌撰） 張餘亭集（張正誼撰） 張白符詩集（張夢燕著）
兩布衣詩（石倫徐韋著） 寶繪山房詩集（王國寶撰） 孔蠹
山筆記（孔毓景著） 張念陶筆記（張光照著） 楚四家詞（
唐子方編） 漆堂吟（王柏心撰） 張東山集（張鵬撰） 郢
樵雜著（譚暉撰） 筠心閣集（張貞媛著） 白菴詩集（張開

東撰）浣青集（錢孟鈿著） 鶴山小隱詩集（熊士鵬撰）
濮上叢談（劉士璋撰） 謀石山房集（胡學榮著） 夢竹軒筆
記（劉士璋撰） 杞菊草堂詩稿（陸彬然撰） 聞見錄（齊學
裘著） 偶然吟（雷樹沄撰） 墨餘錄（毛祥麟著） 據梧吟
（張昱生撰） 也顛子集（明僧林德晶撰） 名媛詩歸（譚友
夏編） 息聞語錄（泰山廟頭陀撰） 錦里新編（張邦伸纂）
郡國利病書（顧炎武撰） 武功縣志（康海撰） 荆楚要覽
（陳章纂） 樂善錄（宋李昌齡撰） 簷曝雜記（趙翼撰）
西溪叢話（宋姚寬撰） 人海記（查昇撰） 鄂遊草（張聖裁
撰） 水災紀（李珩撰） 嘯虹筆記（汪某撰） 土風錄（顧

沙市畧圖



國立湖北師範學院黃唐祖松繪

例
 官郵 學校 教堂 醫院 橋頭
 署局 校堂 院觀 醫標 橋頭
 出文 十世 田

比例尺

15000

0 200 400 600米

附記
 鄂城書院 武郡小孝
 金陵會館 太岳中孝
 晴川會館 晴川中孝

沙市志略卷一

王百川編纂

唐祖培校補

沿革第一

地處一隅名號豈有變更然歷年久遠則亦不能概論史冊附見
烏容一味抹煞遺論癡符之謂弁首而志沿革

家語曰江水至江津非方舟不可涉也（按孔伯靡江陵志餘以今沙
市津巷口實之是雖無沙市之名而其來也遠矣）

後漢書岑彭既定夷陵還屯津鄉當荊州要會（注云津鄉縣名所謂
江津也）

卷一 沿革第一

東觀漢記曰津鄉當荆揚之咽喉郡雜記云蓋即今之沙頭市在枝江
西者曰上津鄉

通鑑後梁開平二年九月季昌遣兵屯漢口絕楚朝貢之路楚王馬殷
遣其將許德勳將水軍擊之至沙頭（注沙頭即今江陵城南沙頭市
）季昌懼而請和（按是時猶稱沙頭）

鐵網珊瑚云建中靖國元年五月乙亥荊州沙尾水漲一丈隄上泥深
一尺山谷老人病起鬚髮盡白（注云即今沙市也又按岳少保駐軍
沙市則宋之時亦稱沙市錄以備一說）

宋史司馬夢求咸淳末爲沙市監鎮（按此設官始）

宋史河渠志慶元三年臣僚言江陵府去城十餘里有沙市據水陸之

衝

宋史淳祐二年元侵蜀孟珙遣師禦之時元也可那延攻瀘州孟珙遣王令屯江陵及郢州劉全屯沙市

宋史德祐元年夏四月阿里海牙駐軍城沙市攻其柵破之

續通鑑載元克沙市城都統孟珙監鎮司馬夢求死之（按求光五世孫）

胡在恪普仰寺壁間碑載元末紅巾沙市遭殺掠無孑遺

明史鄒元標傳附傳徐學謨者嘉定縣人嘉靖中爲荊州知府景恭王之藩德安欲奪荊州城北沙市地學謨力抗不與爲王所劾下撫按逮問改官荊州人德之稱沙市爲徐市

卷一 沿革第一

二

計東明季北略稱天下重鎮其一如荊州之沙市自唐宋已極繁盛亦遭賊蹂躪

胡在恪府志備遺明崇禎八年丙子六月初二日張獻忠賊衆長驅至龍陂橋荆衛指揮秦啓禦之逃奔賊遂衝突北門趨沙市肆其劫掠民溺江死者無算按此沙市始遭張賊之亂

朱儼鑿荆變紀略崇禎十五年臘月十六早城中有司方飲春宴婦女肩輿看土牛歸咸云李自成已敗走矣停午北門大開千騎突入一郡鼎沸是夕火光如晝江上往來不絕百年生聚盡於斯矣按此沙市復遭李賊之亂

荆變紀略儼鑿於癸未上元前一日隨衆至沙頭瓦礫灰燼血肉淋漓

扶老携幼者踉蹌載道按此李賊據城僞防禦孟長庚僞將軍任榮占踞之時

無名氏閱歷世變紀崇禎十七年甲申李賊在京篡位冬張獻忠由長沙至荆臘月二十三日任賊夜遁荆門州二十五日張賊入城稱爲西王二月初六日將荆城扒毀荆州百姓不論男女盡擄上川張賊去雲武南山賊到船泊劫掠沙市

府志紀兵甲申四月左良玉率師來圍濱江一帶焚掠無餘按黃庭堅宜州家乘陸游入蜀記皆因身歷筆記不能備載顧炎武利病書僅紀鎮名施廷樞府志紀鄉鎮沙市一名沙津一名沙頭在城東南十五里沙草二市爲江陵諸市之最大者就中沙市尤爲浩穰列肆則百貨充

物津頭則萬舫鱗集

卷一 沿革第一

三

黃義尊江陵縣志鄉鎮沙市一名沙津一名沙頭在城東南十五里西接蜀江北通襄漢百貨充牣萬舫鱗集元微之詩闐咽沙頭市玲瓏竹岸牕知其盛在唐時已然矣按朱儼鑿江陵志餘與上同記錄

杜甫送王十六判官五律客下荆南盡君今復入舟買薪猶白帝
鳴櫓已沙頭衡霍生春草瀟湘共海浮荒林庾信宅爲仗主人留
杜甫舍弟觀自藍田迎妻子到江陵喜寄七律汝迎妻子達荆州
消息爭傳解我憂鴻雁影來連峽內鸚鵡飛急到沙頭曉關險路
今虛遠禹鑿寒江正穩流朱紱卽當隨綵鷁青春不假報黃牛

王建江陵卽事七律瘴雲梅雨不成泥十里津頭壓大隄蜀女下

沙迎水客巴童傍驛賣山雞寺多紅葉燒人眼地足青苔染馬蹄
半夜獨眠愁在遠北看歸路隔蠻溪

蘇軾荊州五律十首之一沙頭煙漠漠來往厭喧卑野市分蠻鬧
官帆過渡遲遊人多問卜僮叟盡携龜日暮江天望無人唱楚詞
陸游荊州歌七古楚江鱗鱗綠如釀銜尾江邊繫朱舫東征打鼓
掛高帆西下湯羊聯百丈伏波古廟占好風武昌白帝在眼中倚
樓女兒笑迎客清歌未盡千觴空沙頭巷陌三千家烟雨冥冥開
橘花峽人住多楚人少土鑼爭上茱萸茶

陸游沙頭五律遊子行愈遠沙頭逢暮秋孫劉鼎足地荆益犬牙
州鼓角風雲慘江湖日夜浮此生應袞袞高枕看東流

卷一 沿革第一

四

范成大發荊州七律初卜篷籠竹竿船始知身是劍南官沙頭沽
酒市樓遠暖徑買薪江墅寒自古秦吳稱絕國於今歸峽有名灘
千山萬水垂垂老只欠天西蜀道難

陸游初到荊州五律萬里泛仙槎歸來鬢未華蕭蕭沙市雨淡淡
渚宮花斷岸添新漲高城咽晚笳船艙一樽酒半醉落烏紗

陸游沙市阻風五古沙市三日風萬鼓鳴船頭欲去不得發坐對
青燈幽聽兒誦離騷可以散我愁微言入孤夢恍與屈宋遊睡起
銅瓶響欣然喚茶甌吾道無淹速風伯非所尤

袁宏道沙市感賦七律斑髮今來是老成緇衣聊復大隄行見僧
每憶年多少觀水因悲物變更率爾叩門常誤姓偶然題壁不書

名章臺寺裏曾游處古棘叢篁遍地生

王啓茂沙市志感七律記得當年踏碧紗沙津無物不繁華舟船
夜貫千門酒樓閣春藏十里花世亂蜀江稀賈客民窮荆俗減琵琶
重來勝地增惆悵坐對空林數暮鴉志餘云二詩皆作於萬曆
季年使見明末感慨又如何

陳翼飛竹枝詞沙市蕭蕭草而東黃花飛了赤江楓郎來却在寒
波廟錯道韓婆風未風

王釀江陵竹枝詞沙市江邊草而河發船打鼓更鳴鑼內通襄漢
外川廣載得離愁何處多

吳其濬荆州雜詠七律勝地繁華祇一隅臨江接壤說名區崔魏

塔聳中流柱縹緗標高四達衢兩雋何蕭傳舊巷百年忠孝訪前
途長隄內外舟千舳能少豪崇作賊無（右詠沙市）

王鳳儀沙市卽事憔悴南冠久滯淫渚宮花月劇駸駸官居近野
安田事蠻語隨人變土音故國尊鱸千里夢虛堂琴鶴十年心焚
香執卷堪消日退食還應愧俸金右載湖海詩傳時鳳儀權判荆
州

譔曰沙市向稱繁盛以其爲南北要道也自明季兵燹以來又二
百數十年沐聖朝之雨露賢官長承流宣化使朴者復興枯者仍
腴以今觀之騷人韻士駐馬停舟或撫時事而抒懷或採名勝而
寫意殆亦指不勝屈矣然如張鷟朝野僉載盛宏之荆州記袁宏

道古荆篇諸所指陳碍難遍登則志中所有去取詩文要亦有關
風土人情無乖大雅覽者自當會心勿徒以井蛙見嗤是則僕之
厚幸也夫

山水第二

昔人云泰山不讓土壤以成其高河海不擇細流以成其大安得
謂土壤之不爲山細流之不爲水乎吾沙市故自有山水也聞其
名烏容不志其實作志山水

蛇入山 江陵志稱叔敖埋蛇處志餘云在塔橋北岸皆故家馬蠶所
云春和草碧遊侶萃止則變更久矣

來謙鳴蛇入山七絕楚相當年泣母慈至今陰德令人思空山何

卷一 山水第二

六

處理蛇跡古樹荒台應有祠

玉華山 三清觀後發脈一培塿耳蜿蜒起伏約里許遙連接待寺而
觀後當春夏之交薛荔籐蔓青翠交加大似山中覆棕櫚作室者
相傳下有何首烏未知確否

遨遊冢 便河西岸一大阜也一名敖玉塚衆志俱沿爲叔敖瘞玉處
自來觀營謙鳴確定孫公葬處則冢當分別言之然其上新故塚
鼎鼎相望亦市廛北邙也

曾家嶺 便河之東地勢高曠舊多櫻桃樹春時燦爛滿目而市井喧
闐聲盈耳畔河橋外蘆荻帆影煙靄蒼茫登臨寫咏情景宛然
程价折櫻桃七絕橋東戲折一枝春入手紅香韻絕倫莫怪村翁